

神之黃昏

(2009)

(Götterdämmerung)

四首

1

神之黃昏落日紅，漫天血色晚霞中。
黑叢林內初求劍。蘆烏崗頭獨殺龍。
河泛萊茵哀戰女，歌騰瓦納葬英雄。
小人一刺成千古，剩得寒鴉掠晚空。

— Siegfried

2

楚之沒日帳風寒，漢國旌旗白漫山。
早見泥兵埋火地，獨橫長劍鎖秦關。
鴻門唯恨縱鷹去，江左何緣衣錦還。
一念之差天地改，烏江流水自潺潺。

——項羽

3

一代才華奧本師，風流俯仰憶當時。
光如夏日催桃李，核爆平沙靜戰旗。
讒客發來一矢中，私情隱去萬方疑。
長坪綠草孤園靜，細論平生恨有餘。

— J. Robert Oppenheimer

4

倉皇亂世起英華，勃勃西南兩怒花。
一遇園宮同淬厲，遂開新論廢傳家。
高明壇上誰先席，妒恨雲邊只落霞。
試想青蓮老杜後，雙星曾幾照天涯。

——楊李